

րից, այլ միայն Աստուծուց: Եթէ մենք, թշնամիներից չըջապատուած, որ և է նշան ցոյց տանք, թէ յարուժ ենք և կամ թէ աչք ենք ուղղում այդ կարծեցեալ օգնիչներին, այն ժամանակ մեզ ուրիշ բան չի սպասիլ, բայց թէ նեղութիւն, խռտանգանք, յափշտակութիւն և սուր. իսկ եթէ մեր զրաժն անստոյգ համարես և հաճոյական բան ասողներին ականջ դնես, տեղեկացիր միւս վստահելի անձերից, թէ անցեալ տարիներն ինչնր կրեցին իրենց բռնակալից արցախեցիք, երբ այն հաճոյախօսների վրայ յոյս դրին, և ինչպէս մեռաւ խղճալի Յովհաննէս կաթողիկոսն և ինչպէս քանդուեցաւ Գանձասարի աթոռը, և ուր են այժմ մեղիքներն և ինչ սղէտներ քաջեցին նրանք: Այդ դառնութիւնների ժամանակ որքան տեղերից մեզ զովասանք գրեցին, թէ շատ լաւ էր, որ մենք համակրութեան նշան ցոյց չտուինք նրանց և մեր սուրբ դահր վնասներից ազատ պահեցինք: Այս բոլորն ասուգութեամբ իմանալուց յետոյ՝ զատի՛ր սուտն իրաւից և մեղադիր մի՛ լինիր մեզ»:

Սակայն թէպէտ Պոտեօմկին իշխանի փորձը՝ դրդելու կաթողիկոսին Հայաստանի ազատութեան նախաձեռն լինել՝ յաջողութիւն չունեցաւ, բայց և այնպէս Վայսրուհին իւր նախագծին հետեւիլուց յետ չկասեց: Ռուսաց զօրքերը Վ. Ա. Զուբով կոմսի հրամանատարութեամբ դէպի Պարսկաստան խաղացին:

Արշաւանքի մերձաւոր նպատակն էր, հրովարտակի ասելով, «վերահաստատել Իրակլ Թադաւորին իւր կալուածների մէջ, Ռուսիայից կախուած գիրք տալ Ղարաբաղի հայ մեղիքներին և նրանց հպատակ բնակիչներին, և յօգուտ մեր զրաւել Արարատեան հայրապետին, որ այնքան զօրեղ ազդեցութիւն ունի ամբողջ ցիրուցան հայ ազգի վրայ: Այս բոլորը շատ միջոցներ կըտար մեզ քրիստոնեաների գլխաւորութիւնը հաստատելու և մեր գերագոյն իշխանութիւնն ապահովելու համար»:

Պ. Ա. Զուբով կոմսը խնդիր ուղղեց Յովսէփ Բրեկալիսկոպոսին՝ ցոյց տալ մեզ Ձեր փոյթեռանդն ծառայութեան նըշանը՝ Մոզդոկ գնալ և բանակցել եղբօրս հետ Պարսկաստանի և դրան սահմանակից ազգերի գործերի մասին, որոնց վերաբերմամբ դուք այնքան ընդարձակ ու մանրամասն տեղեկութիւններ ունիք: Յովսէփ սրբազանը փութաց ուղարկել Պ. Զուբով կոմսին իւր յօրինած տեղեկագիրը Հայաստանի և սահմանամերձ նահանգների մասին՝ դրանց աշխարհագրական քարտիզով հանդերձ. և Վ. Ա. Զուբով կոմսի հետ տեսնուելուց յե-